



OA Marihuana: Otkrivena opojna droga i municija na području općine Grude

Pripadnici Jedinice granične policije Gorica, 1. augusta 2021. godine na području općine Grude, uspješno su realizirali Operativnu akciju Marihuana, koja je usmjerena na borbu protiv neovlaštene proizvodnje i stavljanja u promet opojnih droga.

Organiziranom akcijom pripadnika Jedinice granične policije Gorica, otkriven je zasad marihuane. Zbog sumnje u počinjenje krivičnog djela „Neovlaštena proizvodnja i stavljanje u promet opojnih droga“, čl. 238 KZ FBiH i „Nedozvoljeno držanje oružja i eksplozivnih materija“, čl. 371 KZ FBiH, o navedenom je obaviješten dežurni tužilac Tužilaštva Zapadnohercegovačkog kantona i sudija za prethodni postupak Suda ZHK, koji su naredili da se izvrši pretres. Tokom pretresa, otkriveno je 330 stabljika marihuane, veća količina speeda, 7 kg suhe zeljaste materije koja svojim izgledom asocira na opojnu drogu marihuanu, 2 automatske puške, 2 karabina, 2 pištolja, razna municija, veća količina mobilnih telefona, vage i drugo. Navedeni predmeti su privremeno oduzeti, a pripadnici Jedinice granične policije Gorica tragaju za osumnjičenim osobama, čiji je identitet poznat Graničnoj policiji BiH.

U toku su daljnje aktivnosti u vezi s navedenim predmetom. Ovo je jedna u nizu operativnih akcija Jedinice granične policije Gorica u borbi sprječavanja svakog oblika kriminaliteta, čiji pripadnici posebnu zahvalnost izražavaju Tužilaštvu ZHK i dežurnom tužiocu Josipu Aničiću na brzju reakciji i profesionalizmu, pod čijim nadzorom se izvršavaju operativne akcije.



Oduzeto oružje



Oduzeta marihuana

COVID-19 Prelazak državne granice Bosne i Hercegovine	>
PRIJAVE GRAĐANA (zalbe, korupcija, prekogranični kriminal)	>
ZAKON O SLOBODI PRISTUPA INFORMACIJAMA Vodič: kako do informacija	>
NAJČEŠĆE POSTAVLJENA PITANJA	>
JAVNE KONSULTACIJE	>

